







HARVARD-YENCHING LIBRARY
HARVARD UNIVERSITY
2 DIVINITY AVENUE

Tran Bao Courtway 26
OCT 31 1999

醫案宜興治驗五卷目錄

徐學士檢老患腸風下血數桶後委頓而右脇
痛有發明

吳儀制主政尚卿先生患肺經痰火症更兼鼻衄
宜興令君宋太夫人病胸膈脹痛予診左部俱散
亂無緒兩尺無神預斷不治三

吳官詹少溪先生以酒積致胃脘疼又加腰眼足
跟肢節皆疼四

宜興令君胡太夫人七十二脾洩十五年不愈又



加吐紅咳嗽多痰痰不易出有發明

曹同府東崗先生患右脇痛予以脉知其傷風傷食所致六

宜興令君胡鏡陽公上焦浮熱胃中食積痰飲又因勞心動火頭面瘡癰作疼七

吳鵠源先生咳嗽口乾腹中如火滾動不思飲食右脇痛八

吳鶴洲先生太夫人八十六原有痰火大便日三四行夜兩起腸鳴臍腹膨脹脉三四至一止七

八至一止人皆不治予獨起之九

吳鶴洲如夫人胃脘痛百治不効目為怪痰予作肝脾相勝之症治而愈十

曹宜崗常憂遺予語以神志不足又疝氣噲雜食硬喉中作梗十一

吳荆樵文學疝氣半年西跨結核硬痛十二

吳鶴洲先生中焦有痰肺氣不足發瘧熱多寒少口渴小水不利體倦頭痛十三

吳雪舫先生左脇下紅塊大如鷄子傍有小苦蕾

宜興縣志 卷之五
作疼予作肝膽二經有熱毒治而愈十四

吳孝廉球泉先生心血不足胃中有痰下元陽氣

不充十五

吳思椿胸高脹痛痰有紫色瘀血十六

吳雙泉公病陽亢陰微之候上盛下虛十七

李寅齋先生患血淋小便艱澀難出竅痛不可言

二年不愈十八

徐熙字文學內眷前後心痛耳鳴眩暈嘔逆吐酸

四肢痿軟十九

湯簡庵封君素善飲致發腸風且心腎不交二十

吳仰玄先生患胃脘痛痛徹於背痛時冷汗如雨

杭芝崗文學酒後近內行採戰之法致成血淋二

吳中翰漢源先生腸下血腹中微痛二十三

吳天柱史安節公脾肺二經有痰火中焦有濕熱

流於膀胱為淋濁二十四

吳宮詹少溪翁有酒積而頻傷怒致右脇之火衝

上作痛耳鳴眩暈大便艱澀二十五

吳孝廉球泉公內人痢疾後感寒而經至發熱口

霍亂身疼等症

二十六

吳西雲先生庶母筋骨無力不能起止將成痿症

將近思令即脇痛氣促胸滿喉疼痰有血屑下午

潮熱 二十八

徐學士檢老正月食新蒜炒肉而又冒風寒咳嗽

喉疼聲啞 有發明二十九

萬肅庵先生令即發熱旬日口渴舌乾色如沉香

太宗伯萬履老夫人石脇痛咳嗽喉乾間吐紅腸

鳴洩瀉 三十一

白仰雲先生令春觸怒暈厥手足冷汗如雨氣息

微閉門合目靜坐一時始定 三十二

吳心逸先生之使患勞倦傷寒 三十三

吳文學霽陽先生以積學勞心而心肺之神不足

宜興令君胡鏡陽公夫人患虛陽搏之候 三十五

太史徐檢老向若癩疔而妨生育 有發明三十六

吳宮詹少溪翁以長君秋捷受賀過勞而傷飲食

吳別駕勉齋翁體豐臃連跌口眼歪邪左手足

不能動 三十八

少冢宰徐檢老以賀壽而臂一痔瘡有發明三十九
宮詹吳少翁患痢赤白魚下表急後重四十有發明
臧少庚年五十飲食不順利喉管中梗而難下四

醫案五卷

明新安生生子孫一奎文垣甫輯

門人

余煌

徐景奇

子

恭來

朋來

全閱梓

宜興治驗

學士徐檢老體豐厚善飲致有腸風計下血不下
數桶因而委頓已卯仲冬右脇極疼痛上至耳

後夜分尤甚。左右不能轉動。轉動則痛甚。飲食減。面色青。閉目汗出如雨。濕透衣被。故不敢合。睫而睡。族醫皆投以香附青皮及辛散之劑。痛愈甚。汗愈多。面愈青。逆予診之。兩寸短弱。左關絃而搏指。右關沉滑。六脉皆近七至。予曰。據痛在少陽經分野。始必動於怒。木火之性上而不下。故上衝耳後而皆痛也。夜痛甚者。蓋夜屬肝。氣用事。內經云。司竦洩者肝也。邪在肝膽。故闔目汗即大出。中焦原有濕痰。法當調肝清熱解毒。為主。兼利小便。不可遽止汗。而使邪無出路。今脉太數。如遽斂汗。是逆其木火之性。不惟痛加。且將發腫毒。而害非淺矣。內經云。膏粱之變。足生大疔。當預防之。公曰。何為斂劑。而謂不宜。予曰。當歸六黃湯。內有地黃。當歸。黃芪。皆滯痰閉氣之味。桔梗亦非所宜。書曰。下虛者。及怒氣上升者。皆不可用。故當慎也。因以柴胡黃連為君。白芍甘草天荅粉為臣。紅荅連翹為佐。龍膽草為使。服後汗雖仍舊。痛即減三之一。不妨睡。

矣。次日仍用前藥。痛又減半。第三日又服。左右
轉動如常。飲食亦加。予未至。公已先迎。姑蘓盛
氏。盛公幼時密友也。家世受醫。公初不急。予日
引領期。盛到。可刈枯剝朽也。盛至。胗畢。遂詰魯
用何劑。公出。予發劑示盛。盛大叫稱謬。謂當隆
冬之候。汗多如此。陽氣大洩。何敢以柴胡為君。
喉中痰既未清。又何不用桔梗當歸。六黃湯前
賢已試之藥。置而不用。是舍紀律而務野戰也。
即取六黃湯加桔梗以進。公雅信盛。迺傾心以

從。速煎服之。未逾時而舊病隨作。色色加惡。左
右復不能轉動。自戌而至子丑。苦不能支。有內
侍語之曰。服孫君藥。雖未全可。亦已去泰去甚。
彼曾言二藥不可用。何為輕犯而受此苦。宜急
取孫君藥煎飲。飲下。即伏枕。軒軒達旦始寤。命
使速予至。而扣予曰。人言隆冬汗出。不當用柴
胡。而公用為君。何旨。予曰。膽與肝為表裏。肝膽
之火鬱而不發。故痛痛極而汗。汗出而痛減者。
是火從汗出。蓋汗迺邪出之門也。予故曰汗不

可歛。本草云。柴胡瀉肝膽火。而以黃連佐之。內
經云。木鬱則達。火鬱則發。言當順其性而利導
之。執則易克。古人治火之法。輕則止治。重則從
其性而升之者。以此。蓋醫貴通變。如陰虛火動
口汗出者。內無有有餘邪。故以六黃湯歛而降
之。常治法也。今內有有餘邪。未出。遽歛降之。邪
無從出。執必成毒。故變常而從治者。使邪有出
路。木火之性不逆。則毒不成。而痛可減也。公曰
善哉。孫君之劑。奇正相生。不下孫武子兵法。何

輕以無紀律議之。願投劑而奏凱也。予曰。公數
日後。瘡瘍大發。兩跨且。有興塊作痛。此毒出之
徵。公于時無恐。改用柴胡白芍甘草丹參苦參
茯苓藿麥車前子黃柏金銀花連翹。服三日而
痛全減。汗全收。左右不難轉動矣。踰日。公謂肌
膚痒甚。轟轟然。似癢疹。豈瘡出與。欲以藥浴之
可乎。予曰。可。再三日。兩跨果發興塊。如棋子大
者數枚。且痛。予業已制蠟礬丸以待。至是。授服
之。瘡果遍身大發。兩腿為甚。一月餘而瘡。公始

信予防毒之言。不謬。披懷交驩。且作序識勝期。與終身不替云。

吳儀制主政尚卿先生柱史安節公公子也。弱冠時病鼻塞。不能噴者四年。且衄。寒月更甚。口渴。咽喉邊有痰核。脉之右寸關洪滑。予曰。此肺經痰火症也。與前胡。秦艽。葛根。薄荷。石膏。天荅。粉玄參。貝母。山梔子。甘草。白藥子。桔梗。丹皮。四帖而衄止。夜與牛黃。三清丸。數粒。噙之。鼻氣即通。利能嗅。噙未旬日全愈。先生初年績學。心專志

一。不知寒暑。致有塞衄疾。又萬曆己卯庚辰。罷邑試。皆首選。如此者再。而皆不得籍名。學宮益鬱然不適。予時把臂語之曰。先生何以一儒冠為汲汲。據脉科甲當不在尊君下。即館中二友亦金馬客也。依愚見。史先登。公次之。吳又次之。日後當以斯言為左券。毋相忘。後三公先後登第。一如予言。萬曆戊戌春。余應吳宮詹召。公暨史王老不爽前言。皆為予撰玄珠序。而紀其事。以見一時良遇云。

宜興宋令君。山東人也。太夫人年五十餘。病胸膈
脹痛。予時寓吳宮詹家。而繩庵安節二公皆宋
公年友。因二公而逆予。診太夫人脉。右寸關洪
滑。彈指如黃豆大。左三部散亂無緒。如解索狀。
兩尺絕無神氣。予不得其受病之源。而宋公亦
不以病源告。卒然問曰。脉為何症。予曰。據左脉
為虛弱久病。右脉促。又為飲食所傷。必病小愈。
而又傷反覆之疾也。其執亦危。宋公聞言危。迺
拂其意。貌作不恭。予見其貌。即辭出。至後堂。有

各佐貳。及學博余公在焉。余公。予鄉人也。素亦
知醫。問曰。症候何如。予曰。不治。渠謂前診者皆
無難色。公何云然。予曰。兩尺無神。如樹無根。此
難經所云也。左脉散亂。右脉如豆大。彈指不勻。
日當見。果後七日而卒。邑中鄉先生士民相傳。
謂予能預決死生云。三

宮詹吳少溪先生。有酒積。常患胃脘疼。近又腰眼
足跟肢節皆痛。予謂此皆由濕熱傷筋。脾肺痰
火所致。法宜清肅中宮。消痰去濕。俾經絡流通。

宜興五
筋骨自不疼矣。切不可作風痛。而用風劑。公極然之用。二陳湯加葳靈。儂蒼木黃栢五加皮枳實葛根山梔子進之。肢節痛減。改用清氣化痰丸。加瓦楞子蒼木枳實姜黃用竹瀝神麩打糊為丸。調理而安。四

宜興令君胡鏡陽公尊堂太夫人年七十二。脾洩十五年不愈。近加吐紅咳嗽痰多。痰亦不易出。申酉時潮熱。胸膈壅塞不能就枕。飲食大減。且惡風。終日坐幔中。諸醫謂發熱吐紅。法當寒涼。

脾洩多年。氣虛老羸。法當溫補。二病矛盾。難於投劑。又謂身熱脉大。血家所忌。益束手無能。為計。皆辭去。且歸咎于長橋上拆屋。致止堂不利。以是前丁宋二公。接跡憂去。邑中洶洶。因延予治。診得兩手脉皆浮而洪數。亦皆帶滑。予曰。據脉洪數為熱。滑為痰。浮為風邪在表。以傷風故惡風。仲景曰。當汗不汗。必作衄症。法當清解。可無恙也。公以諸醫二病矛盾之說為問。予曰。此暗於先後者也。夫脾洩已久。未嘗為害。新病熱

熾宜當速去。所謂急則治其標也。俟邪去之後，補脾未晚。且潮熱為風邪所致之熱，而非陰虛火動之熱。血。內經云：奪血者無汗，奪汗者無血。當汗不汗，邪鼓血動，但得表解，熱退，血自止耳。公憮然曰：噫嘻！疇昔老母過錢塘，遇風濤受驚，因發熱咳嗽，血出痰多。今以公言質之，誠由風邪起病也。願以藥進。予用紫蘊子、前胡、麻黃、薄荷、鮮表為君，枳壳、桔梗、桑白皮、瓜萼、紫苑、貝母、消痰，治嗽為臣，酒苓、甘草為佐，連服二帖。五更微汗而熱退，胸膈不壅，嗽亦稍減，血止大半。始進粥，次日減麻黃，加白茯苓。夜服七製化痰丸。其夜痰嗽又減半。從是不惡風而去，慢矣。前方再減枳壳，加薏以仁調理而安。五

曹同府東崗先生。右脇痛，脉之左絃大，右滑大。此由外傷風內傷食所致也。又加咳嗽，夜更痛，體肥面青，寢食俱廢。予以紫蘊、紫胡解其表，白芥子、桂皮、香附治其脇痛，山查、蘿蔔子消其食，杏

仁陳皮半夏瓜蔓仁治其嗽。四帖飲食進。嗽亦除。脇痛減十之七。再與保和丸服之而安。六
宜興令君鏡陽先生。上焦有浮熱。胃中有食積痰飲。平常好食熱物。稍涼即腹痛洩瀉。大便後間有紅。又因勞心動火。頭面生瘡癩作疼。脉左數右滑。數以玄參石斛白芍各二錢。甘草一錢。天花粉連翹貝母各一錢。茯苓八分。薄荷五分。四帖瘡癩皆愈。再與保和丸加姜連滑石紅麩白朮丸與服半月全安。七

源先生咳嗽口乾。腹中如火滾動。知氣餒亦不思飲食。右脇痛。脉右滑數。左絃數。此中焦有痰積也。先以總管丸去其痰。而後養脾。服後大便下稠粘黃糜甚多。小水如血。此熱下行也。繼以保和丸理脾消餘痰。又使新飲食不生痰也。外呂橘紅貝母天冬粉桔梗酒芩知母葛根甘草滑石服之。其咳嗽亦除。八

吳鶴洲先生太夫人。年八十六。素有痰火。大便一日三四行。一夜兩起。腸鳴臍腹膨脹。脉三四至

一止。或七八至一止。諸醫不知溫補。妄以平胃散加黃連。山查。白芍。一切苦寒之劑。投之。遂至是。為凶兆。辭去不治。逆予診之。予曰。據脈書云。脈緩而止。曰結。數而止。曰促。今結脈。非凶。脈也。由寒濕之痰。凝滯所致。法當溫補。下元。俾火得以生土。所謂虛則補其母者。當無恙矣。鶴洲公曰。壽筭何如。予曰。兩尺迢迢有神。壽徵也。即百年猶未艾。以補骨脂。白朮。各三錢。為君。杜仲。

二錢為臣。白茯苓。澤瀉。陳皮。甘草。各一錢。為肉豆蔻。益智仁。各五分。為使。四帖。大便實。惟鳴未止。減肉豆蔻。加炮姜五分。而安。壽果至十有八九。

吳鶴洲如夫人。病胃脘痛。醫有認為虫者。有認為火者。又有認為痰為氣為食為虛為血為寒。諸說紛紛。百治不效。群然指為恠疾。請予診。手大而無力。皆六至。予曰。豈恠耶。肝脾相勝。症耳。東垣治例。腹痛以芍藥為君。惡熱而痛。加。

黃柏效此法。則治當萬全矣。白芍四錢。一半生。一半酒炒。伐肝補脾為君。大茸草二錢。一半炙。一半生。緩肝養脾為臣。山查為佐。炒黑山梔仁。五靈脂各一錢。止痛為使。三帖而病愈。鶴洲公喜曰。君真能用藥神而降病恠者也。嘻。

曾宜崗常多夢遺。予曰。此神志不足也。又有疝氣。近加嘈雜。食硬物。喉中梗作疼。予謂病有緩急。則治有先後。咽喉之症。非急先而何。初為清肅。上焦次為補養神志。俾神旺而精有主。可不妄。

遺然後以下部之劑治其疝。清肅上焦用六君子湯加滑石酒連。枇杷葉蘆柴根香附吳茱萸。四帖嘈雜止。喉中寬舒。再以猪肚丸補其神志。遠志石菖蒲石蓮子韭菜子黃連貝母各二兩。白朮五兩。枸杞子白茯苓各一兩。為末。入雄猪肚內。飯中蒸熟。搗為丸。梧桐子大。硃砂為衣。每晚燈心湯送下。二錢。治疝丸。橘核昆布各四兩。川椒山梔子炒。黑山查核各二兩。柴胡小茴香各一兩。哺鷄子壳煨。三兩。麵糊為丸。空心白湯。

或酒送下三錢不終劑而瘳。

十一

吳荆樵文學。愷悌君子也。左關尺脉甚絃。疝氣半年。兩跨結核硬痛。予以平疝丸消之。海藻昆布橘核各酒醋炒四兩。玄胡索山梔子仁山查核小茴香柴胡各一兩。龍胆草酒炒五錢。醋打麵糊為丸。梧桐子大。空心酒下三錢。服一月而消。

十二

吳鶴洲先生。中焦有痰。肺氣不足。瘡一日一發。熱多寒少。口渴。小便不利。倦怠。頭疼。脉左絃大。右

寸短弱。關尺滑大。以石膏知母黃耆同柴苓湯煎服。服後腹作瀉。前方去石膏知母邪熱減大半。惟僅潮熱而口渴甚。改以人參葛根知母麥門冬柴胡陳皮甘草白朮鱉甲五更服之而愈。

十三

吳雪舫先生。左脇下紅塊大如鷄子。傍有小菩蟲作疼。左脉絃大而數。右滑大而數。蓋由生平嗜燻炙。以致肝胆二經有熱毒也。用大瓜蒌一枚。白芍三錢。當歸甘草貝母各一錢。連進三帖。疼

減其半脇下紅成一小癩以解毒早故硬塊潛消大毒不成也仍當為活血清熱再用白芍三錢當歸一錢半金銀花甘草各一錢大瓜蒌一枚連翹山梔仁各八分紅花柴胡各五分四帖而愈十四

吳孝廉球泉先生心血不足胃中有痰下元陽氣不充脉六部皆弱惟右關滑以遠志枸杞子各四兩巴戟兔絲子破故紙山茱萸各二兩五味子白茯苓神人參各一兩煉蜜為丸空心淡鹽湯

送下三錢外以固陽鎖真丹助之龍齒益智仁各一兩黃柏二兩辰砂甘草蓮蓉心各五錢芙蓉粉打糊為丸梧桐子大每夜灯心湯送下一錢五分極能固精十五

李思椿患胸膈脹痛痰中有紫色瘀血其原有酒積鬱火也脉兩寸短關滑兩手皆數先與紅六神丸服之繼與山梔酒連鬱金香附橘紅茯苓半夏麩甘草滑石紫蘘子服後胸膈稍寬仍以山梔仁貝母益元散各二兩牡丹皮黃連橘紅

各一兩半。白茯苓一兩。紫蘇子。鬱金。紅麴各五錢。茜根三兩。神麴打糊為丸。每早晚白湯送下二錢。調理而愈。十六

吳雙泉公。兩寸脈洪大。兩關滑。兩尺沉微。此陽亢陰虛之候。上盛而下虛也。上盛者痰。與火下虛者腎經真陰不足也。法當清上補下。上清則頭目清利。耳鳴眩暈之症可除。下實則腰膝不疼。筋骨強健。清上用清中丸。貝母。橘紅。枳實。海石。四查。茯苓。白芥子。黃連。黃芩。滑石。青黛。神麴。法

先食後茶送下二錢。補下用既濟丹。辰砂。磁石

各一兩。熟生地四兩。黃柏。知母。兔絲子。柏子一

各二兩。牛膝。枸杞子。白茯苓各一兩半。煉蜜為

丸。梧桐子大。空心淡鹽湯送下八九十九。十七

李寅齋先生患血淋。幾二年不愈。每發十餘日。不

水艱澁難出。竅痛不可言。將發必先面熱。牙

後則血淋。前數日飲湯水欲溫和。再二日欲熱

又二日非冷如冰者不可。燥渴之甚。令速汲井

水連飲二三碗。猶以為未足。未發時大便燥結

四五日一行發則瀉而不實。脈左寸短弱。關絃大。右寸下界指與關皆滑大。兩尺俱洪大。據此中焦有痰。肝經有瘀血也。向服滋陰降火及淡滲利竅之劑皆無效。且年六十有三。病已久。血去多。何可不兼補治。當去瘀生新。提清降濁。用四物湯加杜牛膝補新血。滑石桃仁消其瘀血。枳實貝母以化痰。山梔仁以降火。柴胡升提清氣。二十帖而諸症漸減。再以滑石黃柏知母各一兩。琥珀小茴香桂心各一錢半。玄明粉三錢。

海金沙沒藥各五錢。茅根汁熬膏為丸。每服一錢。空心及晚。茅根湯送下而愈。十八。

徐熙字文學。內眷。常患前後心痛。每痛必面赤。手心熱。耳鳴眩暈。即飲白湯亦停。高間不下。且作酸嘔逆吐。出皆酸水。五七日方止。四肢痠軟。無力。氣逆上噎。迺其常也。兩手脈皆沉數。左絃。此上焦有痰。飲故也。先以二陳湯加瓦楞子滑石。吳茱萸姜連前胡。只壳竹茹香附大腹皮。服後以橘紅半夏滑石各二兩為臣。白螺蛸壳煨過。

四兩為君。茯苓、姜、連各一兩半為佐。旋覆、芩一兩。吳茱萸三錢為使。麩糊為丸。每服三錢。調理而愈。二十一

湯簡菴封君血分熱甚。以善飲致腸風。且心腎不交。予以四物湯加酸棗、仁、側柏葉、槐、芩、連、翹、煉蜜為丸服之。頓愈。二十

吳仰玄先生患胃脘痛。痛則徹於背。以手重按之。少止。痛時冷汗如雨。脉瀼。此氣虛而痛也。以小建中湯加御米壳服之而愈。二十一

杭芝崗文學。酒後近內。每行三峰採戰對景忘情之法。致成血淋。自仲夏至歲杪未愈。便下或紅或紫。中有塊如筋膜狀。或如蘓木汁色。間有小黑子。三五日一發。或勞心。或勞力。或久立坐亦發。訪醫問道百治不效。以吳中書漢源公文善逆予治之。觀其色白而青。肌肉削甚。眡其脉左寸沉弱。關尺絃細。右寸畧滑。據此必肺經有痰。肝經有瘀血。總由酒後竭力。縱慾淫火交煽。精離故道。不識澄心調氣攝精歸源之法。以致

凝滯。經絡流於溺道。故新血行至被阻。塞而成淋濁也。三五日一至者。科盈滿溢。故耳。先與丹參加茅根。濃煎服。小便解後。以瓦器盛之。少頃即成金色。黃砂。廼用腎氣丸。加琥珀海金沙黃栢。以杜牛膝連葉搗汁熬膏。為丸調理。外以芎三錢。當歸七錢。杜牛膝草根煎服。臨發時用滑石甘草稍桃仁海金沙麝香為末。以韭菜汁藕汁調服。去其凝精敗血。則新血始得歸源。而病根可除矣。三月全愈。二十二

吳中翰漢源先生。腸風下血。腹中微痛。脉左寸短。右關滑。兩尺絃大。以地榆槐花枳壳各三錢。荆芥穗秦艽青蒿葛根各一錢半。黃連二錢。兩劑而愈。二十三

大柱史吳安節公。脾肺二經有痰火。中焦有濕熱。流於膀胱。為淋濁。溲之前作痛。小便了而不了。脉左寸短弱。關絃大。右寸關滑。兩尺洪大。六部皆數。法當先清上中。二焦痰火。然後提清降濁。庶日後筋骨無疼痛之患。先與草薢分清飲。加

山梔黃栢滑石服之淋濁減半。改以二陳湯加
山梔黃栢滑石螺螄壳木通以去濕熱而消中
焦之痰。再加紫胡升麻桔梗以提清氣。四帖而
愈。二十四

吳宮詹少溪翁。原有酒積。且頻傷於怒。致右脇之
火衝上作疼。耳鳴眩暈。大便艱澇。脉右寸關滑
數。左絃數。以當歸龍會丸加牛胆南星治之而
愈。二十五

吳孝廉球泉公內人痢疾後感寒。文月水適至。大
發熱口渴。遍身疼。胸膈飽悶。煩躁。頭微疼。耳亦
聾。大便瀉。舌上白胎。脉七八至。亂而無序。此三
陽合病。春溫症也。時師誤以為漏底傷寒。不治。
予曰病已危。醫而不起者有矣。未有不醫而起
者也。且投三陽藥服之。挑察微應。再相時而動。
以紫胡三錢。葛根白芍藥各二錢。枳實桔梗酒
苓竹茹各一錢。天荅粉八分。炙甘草桂枝各五
分。服後。但覺遍身冷如冰。面與四肢尤甚。六脉
俱無。舉家及醫者皆嘆為物故矣。予獨曰非死。

候也。蓋夜半陰極陽生。執欲作汗。譬之天將雨而六合皆陰。球象疑信相半。而諸醫聞之皆笑去。四鼓後果戰而汗出。衣被皆濕。四肢體面漸溫。神思清爽。且索粥。舉家欣欣以為再生。次日惟耳尚聾。腹中大响。脉近六至。改以紫苓湯加烏梅兩帖而愈。二十六

吳西雲先生庶母。筋骨無力。不能起止。將成痿症。上熱下寒。易為驚恐。小腹左邊疼。以玄胡索五靈脂陳皮半夏香附青皮白芍藥茯苓山梔子

煎服。小腹痛減。惟小水頻數。改用青蒿山梔子以仁白芍藥甘草藿藜。服後熱退。小水不頻數。獨胸膈微痛。夜不欲睡。再以當歸白芍藥山梔子香附紫胡陳皮甘草茯苓青蒿調理全愈。十七

蔣近思令郎。脇痛氣促。胸滿喉疼。痰中有血。胛下午潮熱。口渴頭重。指梢冷。服滋陰降火之劑不効。且紅愈多。痰咳不出。請予診之。右寸關滑大。左尺亦大。予謂此肺經有痰。血濁痰壅而為熱。

也。治當先清化。不當先滋補。以瓜蒌仁三錢。紅
苓紫苑丹皮枳壳各一錢。滑石二錢。甘草五分。
前胡青蒿水煎。臨服加童便一小酒杯。兩帖而
熱退血止。惟咳嗽未除。胸膈不寬。再以瓜蒌陳
皮貝母蘿蔔子馬兜鈴白茯苓甘草紫苑滑石
杏仁調理而愈。二十八

徐學士檢老以正月食新蒜炒肉。又冒風寒。因咳
嗽。喉疼聲啞。翁原有痰火。又為外邪所束。不得
發越。以致此。治當潤肺清熱化痰調氣以祛其

本。兼散邪解表以治其標。庶乎喉痛可除。聲音
可開。亮矣。先與瓜蒌仁橘紅桔梗薄荷貝母桑
白皮地骨皮葛根桔梗前胡甘草四帖。復以滾
痰丸同七制化痰丸兩帖。夜服。諸症除而聲且
亮矣。此釜底抽薪法也。二十九

萬肅庵先生令。即發熱十一日。口渴。舌心色若沉
香。且甚乾燥。額上熱。兩脇亦熱。耳微聾。曾未
有汗。亦已下二次。熱不少。除小便絕。少神昏。足
冷。飲食不思。市醫投窮。迺告急於予。予診之。左

脈中按數而有力。右脈軟弱。據症為陽明少陽
并病也。當以柴葛湯清徹其熱。看汗有無。再當
機而處。柴胡五錢。葛根三錢。白芍藥石膏各二
錢。人參升麻天荅粉各一錢。粉草七分。水煎服
之。次早診數脈稍緩。熱稍退。舌齒仍乾。小水不
利。神思尚昏沉。改用柴胡粉草天荅粉黃芩人
參白朮茯苓滑石木通澤瀉。下午又覺微熱。面
赤。額上痛且重。即以益元散三錢服之。大便行
一次。澹而色黃。熱仍甚。面仍赤。服前藥後。小水
去二次。再診之。寸關脈將和。兩尺尚洪大。迺知
邪熱在下焦。惟利之而已。再與辰砂益元散五
錢。口渴稍止。齒下盤雖潤。上盤仍燥。神思昏沉。
睡而不醒。睛彩不與人相當。又知熱在心包絡
也。宜用陶節庵導赤散二帖。而神清。惟小水尚
欠利。以西荅散加酒連麥芽木通煎服。再二帖
而諸症悉退。飲食且進矣。三十

大宗伯萬履庵老先生夫人。右脇下疼。咳嗽喉乾
間亦吐紅。或一碗或半碗。腸鳴洩瀉。年六十外。

原因頭風壞目。性急躁。左脉絃數。右滑數。以瓜
蒞仁二錢。黃連前胡桔梗枳壳橘紅貝母白茯苓
各八分。甘草五分服之。次日紅仍不止。惟脇
疼減半。改用山梔仁牡丹皮香附貝母甘草瓜
蒞紫苑滑石水煎服。方欲覓真鬱金。苦不能得。
唐凝庵老先生迺夫人婿也。偶至聞之。應鼓曰。
有。取磨三分用煎藥飲之。兩帖而紅止痛。參
十一

曰仰雲先生令眷。每觸怒即暈厥。必閉門合目靜
坐。不畱一人在房。手足皆冷。汗出如兩。氣息俱
微。越一時許甦如常。原以頸生瘰癧。多服女醫
草頭藥。及專科用斑猫等毒。因而脾胃損元氣
虧也。年三十八。曾未生育。每日令二婢不住手
敲兩腿。俟其熟睡。迺已。不然則睡不安。晚至二
更後始睡。夜半心多驚跳不止。指甲皆無血色。
經將行。小腹先疼。二日色紫。有塊。諸病雖如是。
而肌肉飲食。却如無事人。百治不效。慕予而請
診之。兩寸短弱。左關大而有力。右關滑。左尺滑。

右尺沉微。據脈肺氣虛。肝木實。胃中有痰之症。也。用六君子湯加丹參酒連青皮。外與珠母丸。及獨活湯。二方調理而安。二方出醫學綱目。三十二

吳心逸先生之使。患額疼。口大渴。身大熱。汗多。胸高痞。惡心昏沉。先與柴苓湯加枳壳桔梗。熱減大半。次日以六君子湯加黃芩白芍藥。當歸調攝而愈。蓋勞倦傷寒。以致虛極而邪未散。故宜先散而後補也。三十三

吳文學。平陽先生。篤志士也。以積學勞心。又有星士以己卯決科許者。其星士前許。歷歷有驗。至期瘡發。不能終場。遂心憂而成顛狂。日間或悲或歌。或鼓掌。或頓足。甚則罵詈不避親疎貴賤。迺叔邀予視之。面白而青。脈兩寸短弱。關絃右關滑。兩尺平。予謂兩寸脈既短弱。此心肺之神不足。志願高而不遂。其欲鬱結。不舒。津液生痰。而不生血。又攻痰尅伐太過。心神愈不得養。故昏亂而無所攝持。內經云。主不明則十二官危。

按此則治宜補養。收斂心神而兼之。清痰可萬全也。用酸棗仁人參茯神小草丹參當歸以補心。安神黃連竹茹以清肝胆之火。玄參佐之外。以龍齒珍珠鈴羊角牛黃胆星天麻青黛辰砂全蠟冰片黃連甘草膏為丸。金箔為衣。調理而愈。三十四。

宜興令君胡鏡陽老先生夫人夜間熱口渴。經行過十日復行。小腹痛。西寸關短弱。西尺洪滑。予診畢。語曰。此內經所謂陰虛陽搏之候也。可預

防之。以川芎當歸條芩蒲黃白芍側柏葉生地荆芥進之。下午熱甚。口中氣如火噴。血下如傾。內有紫塊。小腹仍痛。迺用川芎二錢。當歸四錢。地榆香附各一錢半。黃芩一錢。蓮蓬壳一枚。燒灰煎服。西帖而止。三十五。

太史徐檢老向為癩疝所苦。而妨生育。辛巳孟秋。有江右陳嶺泉者。以是症為專科。寓蕪錫。翁延而治。謂將爛藥煮竹片夾陰囊。俾囊爛見子。又以爛藥點開腎子。使其中蓄積臭水潰出。然後

用生肌藥長肉收功。翁以此治與道中諸友商之。無有勸者。而謀於予。予曰。翁疾非常疾。則治當非常治也。陳能為翁治於外。予當佐陳補於內。內外兼治。必可成功。翁因子言而決用陳。是時予有湖州之役。而陳用其術。治一月。囊爛子開。洞見水泡。第不能使泡破水出也。由是胸中氣滿。汗出如流。終夜不寐。飲食減三之二。面青肌肉瘦其半。形氣弱而大便艱澀。腰腎俱痛苦。不可殫述。將令人急予。予適自湖州至。荆溪主

吳少溪公家。翁時杜門謝客。聞予至。大喜。而促予診脉。兩寸軟弱。右尺大。右關滑。予診畢。曰。許佐陳治內。今其時也。比陳技已竭。而水不得出。翁又難於痛。業已用收口藥矣。予曰。無傷。痛由元氣虛憊。而汗亦因痛來。汗去多。則心血不足。心血不足。則神失養。故不寐。脾胃為痛所傷。故飲食減。今只大補血氣。不惟痛止。疾除。即水泡亦可出也。障謂用補。收口生肌。或可使泡出水。或未必然。予曰。三日後當自見。翁曰。補甚善。

素生平不能服參。何予曰：翁體非昔比也。脉症皆可服。又何憂。廼用人參、黃耆各三錢，當歸、白芍、石斛各一錢五分，陳皮、貝母、紅朮、粉草各八分。飲下即睡。次早汗斂，且索粥。胸膈頓寬。連服兩日，痛減大半。飲食頓加，精神亦爽。廼陳恐予奪功，私譖之曰：孫君之藥雖善，但非外科所急。服之恐生肌收口，後而水終不得出也。翁謂必如何而後可。陳曰：當於前藥加羌活、防風、白芷、遠志，減去石斛，則外內兩得矣。翁然其說，且服。

其藥鈔未半，而痛立至，汗立出，頭熱如火，氣逆上升。夜竟不寐，種種病復矣。亟索予劑。予知陳之忌而行譖也。廼宣言曰：予寔佐尔成功耳，尔何自敗。尔知翁之痛乎。元氣虛而毒藥凝滯，故補而助之，活動其血，則毒藥自行。藥行則泡可潰，水方可出。翁之謝尔，已有成議。予雅善翁，來者為義，非為利也。鄙見與尋常較不牟矣。陳聞言而語塞，亦以投劑無功，遂乘杌而聽予治。仍用前方，加酸棗、仁朮、杞子、皂角刺各一錢，兩帖。

而汜潰出臭水五六碗。囊隨消瘳。陳拊掌曰。今而後知用補之神。其老先生之福也。太史受補自此始。三十六

丁酉冬。宮詹少溪吳公。年七十二。以長君秋闈之捷。應酬賀者過勞。過飲。又傷於大肉。市醫槩用消導之劑。投之漠如也。反加內熱。常州張氏。荆溪縉紳。大家特為鎖鑰者。至則謂公高年過勞。消劑峻而致內熱。用補可愈也。因投人參。則右脇脹痛。晝夜難支。張又謂補法不差。惟少行氣

之味。故無功耳。於前藥加木香砂仁辛熱止痛之劑。益嘔吐不止。脹痛轉劇。而大便燥結。張不自咎。不認病而誤投。迺遍語縉紳。相知曰。吳少翁。老手鬪食。非其所宜。丹溪復生。無能為也。少翁聞予在茗。而急予治。予兼程而往。至則錯之念一日也。診其脉。左絃右滑。兩手皆數。且搏指。諦視其色。神藏氣固。惟肌肉略瘦。手心甚熱。予曰。此內傷症。非鬪食症也。公曰。諸君言吐而大便燥結。食不得下。非鬪而何。予曰。否。公原不熱

不痛又不吐。由誤飲藥而使然耳。書云。通則不痛。痛則不通。大便既燥。而用補非也。經曰。食不得入。是有火也。尤用辛熱。非之非也。以是而治。譬之以油救火。益令其熾爾。予見與諸醫不也。即與琥珀調中丸一帖。其夜脇痛稍緩。次早。脘之脈仍如前。予決謂非通不可。即以龍會丸與調中丸兼服之。五日內下。黑糞十五六次。諸症悉減。飲食大進。改以保和丸調中丸調理。念七日。公即能巾櫛。元旦命危人治酒榜人艤舟。

拉予泛於南門。持觴為予壽。曰。與兄別者。六年。不憚勞涉險。而赴吾急。自今以後之齒。皆兄之賜也。敢不銘心。為驩竟日。至穀日。予廼別而復之茗。三十七

別駕吳勉齋翁。體豐腴。嗜炮炙。任性縱慾。年六十。七。極躁急。一日跌傷其齒。恬不為意。閱三日復跌。亦不為意。復跌之。次日晚。左手足忽不能動。口眼歪邪。陸懷南先生。公通家友也。即往脘之。語公諸郎曰。此中風也。治不可緩急。取半黃丸。

進之。諸郎皆有名博士弟子。延予為治。診其脉。左洪大。右緩大。觀其色蒼黑。神昏。鼻呼呼長而吸短。呼至口。氣嘔嘔出。不能回。終日偃卧如醉。人不能動。陸曰。此非半身不遂乎。予曰。症候甚惡。不特半身不遂也。半身不遂者。中風已過之疾。其勢仍緩。亦有十餘年無恙者。今終病。執便若此。迺中風之漸。方來且不可測。陸重厚長者。所詣亦精。聞予言。當下了然。即與予商確用藥。治以六君子湯。加全蝎。姜蚕。天麻。與之。兩日。神

氣仍未清。猶昏睡。猶呼吸。口邊嘔。然間作吐。粒米尚不進。前藥再加竹茹。又兩日。神始甦。欲言而舌難掉。嘔不能出。諸口。前藥又加石菖蒲。遠志。紅苓。始能進粥。數口。日計亦可。茶甌許。夜與正舌散。同前藥飲之。又三日。能坐。粥亦頗加。惟言尚蹇。澁欲言以筆代口。寫我左手甚痛。大小便艱少。又用四君子加陳皮。竹茹。當歸。芍藥。紅苓。鈎藤。天麻。服三日。神思大好。飲食日加以。是方調理。弥月。手痛減。稍能動。足稍能伸。

扶起能坐。且能自按譜鋪牌語言十分清。至八九。駭。有萬全之望。惟大便有七八日。或十餘日始一行。予曰。此血少之故。補養久。當自全。幸無它用而速害。公常自言。吾疾迺痰在鬲間。何能得一吐為快。此醫家有授之言也。予曰。公脉大虛。非餘痰為害。况今以補養而漸安。此其明驗。何敢輕試一吐。願寧耐靜。毋涉險為也。此戊戌九月念五。予以是日別往茗城。別不及旬。公復傾心而任張甲。張大言曰。公病可吐。蚤。

蚤愈。諸郎君始信。予言持議不可。彼曰。公病痰也。不可不吐。吐後而補。可全瘳。而無後患。不然必成痼疾。公欲速效。決意吐之。諸郎君不能阻。一吐而煩躁。猶曰。吐不快耳。須大吐始可。再吐而神昏氣促。汗出如雨。立時就殂。可嘆可嘆。三十八。

少冢宰徐檢老。以萬曆丁酉三月初旬。往賀長興。臧老夫人眉壽而發寒熱。腎近肛硬。處生一毒。紅腫而痛。坐卧為艱。因歸荆溪。訪治外科。即以

鏤針點開。插藥線於內。塗以爛藥。使膿血急潰。又於瘡口上以生肌藥敷之。使易收口。可受謝而去。未半月。其傍之硬處。又紅腫痛。寒熱交作。幾於成膿。以前醫有功。遂復延之。至則又以向者之法治之。受謝而去。迺醫迺患。迺針而迺插。藥計其患者凡八遍。計其醫之更者。如張如魯。如馮凡八人。有陳外科者。則總其中。而受謝獨多。其時則丁酉三月。至戊戌八月。幾年半矣。於時予赴吳少溪翁召。因知翁在蓐。亟往謁於卧。

榻間。翁見予至。悲喜交集。備陳其歷病之由。針刀之苦。伏枕歲月之深。輒為痛心。予聞之。亦為酸鼻。諦觀其色。則青慘。眇其脉。皆濡弱。把其手足。則冷如冰。問其飲食。減平日之六。究其所服之藥。則視角黃。栝生地。涼血解毒之類。予駭然。而語翁曰。此痔瘡。非痔漏也。痔漏當用掛線。以五灰膏點之。可愈。今腫硬無定處。離肛門且遠。况其初。原無硬塊。硬塊由插藥。凝滯中來。諺云。剗肉做瘡者。非耶。假令非翁稟氣厚。胃氣壯。安

能六十以外之年。而當此剝削哉。初只可大補氣血。即有毒。只宜托出一膿而愈。未成者使活。動消散。不復生毒。此王道之治。不勝於針刀萬萬。諸君之治。如避影者。不知息陰而急趨。以求避。則影益速。而氣促救矣。自殆之道也。翁初不逆予者。以非外科。至聽予之論。幡然有見。玄珠集有外科二卷。益信予之善外科。而聽予治。予即以十全大補湯進之。四帖而飲食加。手足暖。大便艱澁。百方潤而不能行者。今亦通利。

而肛門如不知也。諸外科猶嘵嘵議補。非是。予極言排之。翁惟予為聽。予以何首烏四兩。人參枸杞子黃耆當歸熟地各二兩。槐角秦艽各一兩。蜜丸服之。不終劑。其腫處少出膿。而全瘳。傍亦不生硬塊。益信向之硬塊為毒所致也。翁喜為謹曰。予病非孫君。諸外科視我疾為金穴。其取寧有已耶。呵呵。三十九

宮詹吳少翁患痢。赤白兼下。稟急後重。市醫治半月。後重不除。飲食漸減。最苦者。下午發熱嘔吐。

廼遣使往召招予。予聞狀心怖。即涉險而過大湖。一晝夜而至荆溪。翁卧榻已二十日。觀其色唇紅面瘁。聽其聲微弱不揚。但一兩語。氣即不接。續下午潮熱。至丑方退。形神俱弱。診其脉。兩手俱大而無力。右關略滑。予曰。據此。廼虛虛實實之候。不足中之有餘也。治當補養。兼清兼消。緩以治之。庶可無恙。公深然之。以四君子湯加白芍藥黃連山查滑石陳皮柴胡兩帖。而潮熱除。嘔吐止。去柴胡。因口渴不止。加葛根六劑。而

飲食漸進。血亦止。惟白膿不除。改用人參白朮各二錢。白茯苓白芍藥當歸神麴各一錢。酒連陳皮澤瀉各七分。滑石山查各一錢半。外以丸劑消息。盈虛調養。半月。則神氣回。而飲食大進。肌肉漸生矣。少冢宰檢翁問曰。諸醫先謂老年痢非所宜。又嘔吐飲食不進者。謂之噤口。且身熱脉大。為痢所忌。公不旬日而收功。豈諸醫稱書之忌。皆幻妄哉。予曰。諸君所言。皆至言也。第非因時制宜耳。愚見以脾胃廼五臟六府之君。

廩。故曰納穀者昌。又曰人身之內。穀氣為寶。子
姑舍痢不治。而先開胃口。俾進飲食。使新糟粕
將宿穢壓下。若見糞。則後重除。而痢易愈也。然
又相其机宜。若食入而腹脹作痛。又量熱畧與
疎通通後。或氣虛下墜。又因熱而畧與升提。大
抵以理脾開胃進飲食為先。此亦遠交近攻之
策。日雖多功。可萬全矣。斯僕一得之愚。屢試而
屢驗也者。設不先開胃口。不審老弱不揣緩急。
一槩治痢。雖有得。未必無失。豈勝笑哉。公曰善。

四十

臧少庚年五十。每飲食胸膈不順利。覺喉管中梗
梗。宛轉難下。大便燥結。內熱。肌肉漸瘦。醫與五
香連翹湯。五鬲丁香散。諸治膈之劑。嘗試之不
効。時予方有事於先塚。久未遠出。臧則不遠千
里而就予治。觀其色蒼黑。目中神炯炯。不眊。惟
氣促骨立。予知其有机心人也。其脉左絃大。右
滑大。予謂之曰。據脉廼謀而不決。氣鬱成火。脾
志不舒。致成痰涎。因而血少便燥。內熱肌消。張

鷄峰有言。高迺神思間病。即是推之。子當減思。慮斷色欲。薄滋味。絕妄想。俾神思清淨。然後服藥有功。不然。世無大丹。而草根木石。何足恃哉。子既遠來。予敢不以肝鬲相照。茲酌一方。頗安歸。即製服。但毋輕示人。恐見未精者。妄為加減。敗迺事矣。慎之。慎之。臧曰。謹如教。其方用桂府滑石六兩。炙甘草一兩。真北白芥子。蘿蔔子。射干。連翹子。各一兩半。辰砂五錢。以竹茹四兩煎湯。打饅頭糊為丸。菴豆大。每食後及夜用燈心

一湯送下一錢半。一日三服。終劑而病如失。四十





